



Ислом Нури

Аллоҳ таоло Ҳашр сурасининг 10-оятда шундай дейди: «Улардан кейин (дунёга) келган зотлар айтадилар: **«Парвардигоро, Ўзинг бизларни ва бизлардан илгари иймон билан ўтган зотларни мағфират қилгин ва қалбларимизда иймон келтирган зотлар учун бирон ғилли-ғаш қилмагин. Парвардигоро, албатта Сен меҳрибон ва раҳмлидирсан»;**

Иброҳим сурасининг 41- оятида Иброҳим алайҳис-салом ҳақида хабар бериб деди: **«Парвадигоро, ҳисоб-китоб қилинадиган (қиймат) куни мени, ота-оанми ва барча мўминларни мағфират қил»;**

Нух сурасининг 28-оятда Нух алайҳис-салом ҳақида хабар бериб деди: **«Паргардигорим, Ўзинг мени, ота-онамни, менинг уйимга мўмин ҳолда кирган кишиларни ва барча мўмину мўминаларни мағфират қилгин»;**

Муҳаммад сурасининг 19-оятда пайғамбаримизга хитоб қилиб деди: **«Ўз гуноҳингиз учун ҳамда мўмин-мўминалар (нинг гуноҳлари) учун мағфират сўранг».**

Имом Муслим ривоят қилган ҳадисда Абу Дардо розияллоҳу анҳу шундай дейди: Мен Расулуллоҳ соллаллоҳу алайҳи ва салламнинг: «Қайси бир мусулмон ўзининг биродарига ғоибона дуо қилса, бир Ғаришта: «ва лака бимисл» Сенга ҳам дуойинг мислича бўлсин деб туради», деганларини эшитдим.

Бошқа ривоятда эса: «Мусулмон кишининг ўз биродарига қилган ғоибона дуо мустажоб дуодир. Унинг бош томонида муваккал бир ғаришта бўлади, биродарининг ҳаққига ҳар дуо қилганида: Амин! «ва лака бимисл» деб туради», дедилар.



Шарҳ

Ғоибона дуо қилиш дегани мусулмон киши мусулмон биродари ҳаққиға орқаваротдан қилган дуосидир. Бу ўтган Пайғамбарлар ва солиҳ кишиларнинг яхши кўриб, қилиб келишган амалидир. Бу амал мусулмонлар жамиятида меҳр-муҳаббатни, қалбда эса ихлосни зиёда қилади. Бундан ташқари ғоибона дуо қилувчининг дуосига Фаришталар Омин, деб туришади. Бошқа ишларида ҳам бўлганидек ҳар бир мусулмонга боғланган, ҳайрли дуо қилганида Амин! «ва лака бимисл» деб турадиган фаришта бўлади.

Бугунги дарсдан олинадиган фойдалар

1. Мусулмонларга ғоибона дуо қилишнинг фазли улуғ, бу амални Пайғамбарлар ва солиҳ бандалар қилишган.
2. Ғоибона дуода ихлос ва мўминларга муҳаббат мавжудлиги учун ва фариштанинг “Амин” деб туриши дуо ижобат бўлишига яқин бўлади.